

RM5 juta laksana projek ternak walet

KEMENTERIAN Pertanian dan Industri Asas Tani memperuntukkan RM5 juta di bawah Rancangan Malaysia Kesembilan (RMK-9) bagi melaksanakan projek perladangan sarang burung walet membabitkan golongan miskin tegar.

Menterinya, Datuk Seri Noh Omar berkata, melalui program itu, premis burung walet diusahakan secara individu dan berkelompok serta dilengkapi dengan peralatan premis walet seperti 'humidifier', 'hygrometer', kelengkapan ajuk bunyi dan alat jangka suhu persekitaran.

"Sejak ia dimulakan dari 2010, 473 peserta miskin tegar mengambil bahagian dan 258 premis burung walet dibangunkan.

"Daripada jumlah itu 40 premis yang diusahakan itu dimasuki burung dan menghasilkan sarang," katanya menjawab pertanyaan Tan Ah Eng (BN-Gelang Patah) di Dewan Rakyat, semalam.